



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

KREITI YA 12

SEPEDI LELEME LA GAE (HL)

LEPHEPHE LA BORARO (P3)

DIBOKWANE/HLAKOLA 2013

MEPUTSO: 100

NAKO: 2½ diiri

Palomoka ya matlakala a dipotšišo ke 5.

DITAELO LE TSHEDIMOŠO

1. Lephephe le, le arotšwe ka dikarolo tše THARO, e lego ya A, B le ya C.


KAROLO YA A:	Ditaodišo	(50)
KAROLO YA B:	Ditšweletšwa tša tirišano tše telele	(30)
KAROLO YA C:	Ditšweletšwa tša tirišano tše kopana	(20)
2. Araba potšišo e TEE karolong ye nngwe le ye nngwe.
3. Šomiša polelo yeo o lekwago ka yona.
4. Thoma karolo YE NNGWE le YE NNGWE letlakaleng le LEFSA.
5. Beakanya (ka tsela ya mmepe wa monagano, seswantšho, mantšu a bohlokwa le tše dingwe) o be o badišise le go dira palobohlatse. Peakanyo ya gago e tšwelele pele ga taodišo ya gago.
6. Peakanyo e bonagale gabotse. E laetše ka go thala mothalo wa go putla.
7. Šomiša metsotso ye e ka bago ye 80 go KAROLO YA A, ye 40 go KAROLO YA B, le ye 30 KAROLONG YA C.
8. Dikarabo di nomorwe go ya le ka fao dipotšišo di nomorilwego ka gona.
9. Efa karolo YE NNGWE le YE NNGWE hlogo ya maleba.
10. Ngwala ka bothakga le ka mongwalo wa go balega.

KAROLO YA A: DITAODIŠO**POTŠIŠO YA 1**

Kgetha E TEE ya dihlogo tše di latelago gomme o ngwale taodišo ya botelele bja mantšu a go se fete a 450.

Taodišo e rulaganywe ka lenaneo la go swana le mmepe wa monagano goba lenaneo leo le ka go thušago go rulaganya. O tla fiwa meputso ya go **rulaganya** le **palobohlatse**.


- 1.1 ... o itše ge a tsena gwa re kgwathi tsee! [50]
- 1.2 Mebasepala ke yona e godišago le go hlohleletša letsogolekobong. [50]
- 1.3 Ditlamorago tša dikotsi tša mebileng. [50]
- 1.4 Tlhaelelo ya dikgoba tša go tsenela dithuto tša godimo ke tlhobaboroko ka mo nageng. [50]
- 1.5 Dipoloko tša sebjalebjae ... [50]
- 1.6 Go nyala basadi ba bantši ke go katološa kgoro. [50]
- 1.7 Lebelela seswantšho se sa ka tlase gomme o ngwale taodišo ka sona.



[Inthanete: www.google.com]

[50]

1.8 Lebelela seswantšho se se latelago gomme o ngwale taodišo ka sona.



[Inthanete: www.google.com]

[50]

PALOMOKA YA KAROLO YA A:

50

KAROLO YA B: DITŠWELETŠWA TŠA TIRIŠANO TŠE TELELE**POTŠIŠO YA 2**

Araba potšišo E TEE go tše nne tše di latelago. Botelele bja karabo ya gago e be mantšu a go se fete a 200 (diteng fela).

- 2.1 Mogwera wa gago o tsenwe ke mekgwanakgwana ya go tšwa tseleng. Mo ngwalele **lengwalo** o mo kgalele taba yeo. [30]
- 2.2 Go nele pula ya matlakadibe motseng wa geno. Bjalo ka morulaganyi wa kuranta ya Lebone ngwala **pego ya kuranta** ka ga masetlapelo ao. [30]
- 2.3 Go na le moletlo wa go bula moago wa bokgobapuku seleteng sa geno gomme o kgopetšwe go fa polelo legatong la baithuti ba sedikothuto. Ngwala **polelo** yeo o tlo go efa tšatšing leo. [30]
- 2.4 Dijo tša mmušo di fiwa baithuti ba mphato wa 8 go fihla go wa 11 fela. Ngwalela hlogo ya sekolo le ba lekgotlataolo la sekolo **memorantamo** wa dingongorego mabapi le seo. [30]

PALOMOKA YA KAROLO YA B: 30

KAROLO YA C: DITŠWELETŠWA TŠA TIRIŠANO TŠE KOPANA**POTŠIŠO YA 3**

Araba potšišo E TEE go tše tharo tša tše di latelago. Botelele bja karabo ya gago e be mantšu a go se fete a 120.

- 3.1 Mogwera wa gago o robetše bookelong. Thala **karata** yeo e nago le molaetša wa go mo kganyogela pholo ya ka pela. [20]
- 3.2 Go na le phadišano ya mabelo motseng wa geno nepo e le go kgoboketša tšhelete ya go bula sekolo sa kgauswi. Ngwala **phoustara/postara** yeo ka yona o kwalakwatšago phadišano yeo. [20]
- 3.3 Ke Mošupologo wa beke ya lenyalo la mogolwago leo le tla ketekwago ka Lamorena. Ngwala ditiragalo tša tšatši ka tšatši mabapi le ditokišetšo tša monyanya woo ka gare ga **pukutšatši** ya gago. [20]

PALOMOKA YA KAROLO YA C: 20
PALOMOKA YA TLHAHLOBO: 100